

ՀԱՅ-ՌՈՒՄԱԿԱՆ (ՍԼԱԿՈՆԱԿԱՆ) ՀԱՄԱԼՍԱՐԱՆ

**Հաստատում եմ՝
գիտության գծով պրոռեկտոր,
Ֆ.մ.գ.թ., փ.գ.դ., պրոֆեսոր**

Պ.Ս. Ավետիսյան



ԿԱՐԾԻՔ

Առաջատար կազմակերպության՝ ժ. 01.07 – «Արտասահմանյան գրականություն» մասնագիտությամբ բանասիրական գիտությունների թեկնածուի աստիճանի հայցման ատենախոսության մասին

Թամարա Արթուրի Անտոնյանի՝ ժ.01.07 մասնագիտությամբ բանասիրական գիտությունների թեկնածուի հայցման «Էդվարդ Օլբիի ստեղծագործական մեթոդի տրանսֆորմացիաները» թեմայով ատենախոսությունը ուսումնասիրում է Օլբիի պոետիկայի առանձնահատկությունները՝ ձևավորման, զարգացման և փոխակերպումների ընթացքում:

Ատենախոսությունը հետաքրքրության է արժանի ինչպես ընտրված խնդիրների ամբողջության, այնպես էլ հետազոտության մոտեցումների և մեթոդաբանության տեսանկյունից: Թ.Անտոնյանի ուսումնասիրությունը նվիրված է 20-րդ դարի ամերիկացի ամենահայտնի, սակայն հայ գրականագիտության մեջ քիչ ուսումնասիրված թատերագիրներից մեկին: Սրանով հետազոտության գիտական նորույթը ապահովված է, իսկ արդիականությունը կարող է պայմանավորված լինել առկա բացը լրացնելու միտումով: Սակայն Թ.Անտոնյանի գիտական աշխատանքն ուշագրավ է ոչ միայն և ոչ այնքան այս համատեքստում, այն չի սահմանափակվում նկարագրական մոտեցմամբ:

Սա արտացոլված է աշխատանքի մտածված կառուցվածքում: Ներածության մեջ հիմնավորելով հետազոտության գիտական նորույթը, արդիականությունն ու ուսումնասիրության մեթոդների ընտրությունը, ատենախոսը սահմանում է նաև թատերագրի ստեղծագործական ուղու երեք շրջանների բաժանման տրամաբանությունը՝ համաձայն այն հիմնական առանձնահատկությունների, որոնք ձեռք է բերում Օլբիի թատրոնը իր զարգացման ընթացքում:

Թ.Աստուխյանի ատենախոսությունը նվիրված է հեղինակի ստեղծագործության երեք շրջանների վերլուծությանը և համապատասխանաբար բաժանված է Ներածության, երեք գլուխների, եզրակացությունների և օգտագործված գրականության ցանկի:

Այս տրամաբանությունից ելնելով՝ առաջին գլխում, վերնագրված՝ «Աբսուրդի թատրոնի և ռեալիզմի գեղագիտական սկզբունքների սինթեզը Է.Օլբիի վաղ շրջանի ստեղծագործություններում», ներկայացվում է թատերագրի վաղ շրջանի չորս պիեսների ուսումնասիրությունը Աբսուրդի թատրոնի գեղագիտության համատեքստում:

Ատենախոսության երկրորդ գլուխը՝ «Աբսուրդի թատրոնի և պոստմոդեռնիզմի գեղագիտական սկզբունքների սինթեզը Է.Օլբիի երկրորդ շրջանի ստեղծագործություններում», կոնկրետ տեքստային նյութի հիման վրա բացահայտում և ներկայացնում է թատերագրի ստեղծագործական սկզբունքների փոփոխությունը, նրա պոետիկայի հարստացումը նոր գեղագիտական հնարներով և պոստմոդեռնիստական աշխարհայացքին հատուկ հեզևական արտացոլմամբ:

Եվ վերջապես, երրորդ գլուխը՝ «Է.Օլբիի երրորդ՝ պոստմոդեռնիստական շրջանի առանձնահատկությունները», ներկայացնում է, թե ինչպես են, երբեմն՝ քայքայիչ պոստմոդեռնիստական հեզևանքը, ինտերտեքստուալ զգայունությունը և դեկոնստրուկցիան գերիշխում թատերագրի ստեղծագործական երրորդ շրջանում: Եզրակացություններում ներկայացված եզրահանգումները ամփոփում են ուսումնասիրությունը: Դրանք հիմնականում վերաբերում են Օլբիի ստեղծագործական մեթոդի սահմանմանը, ստեղծագործական երեք շրջանների բաժանմանը և հեղինակի թատերգության ժանրային և գեղագիտական առանձնահատկությունների վերհանմանը:

Օգտագործված գրականության ցանկը, որը ներառում է 107 անուն, արտացոլում է անհրաժեշտ աղբյուրների իմացությունը և մի քանի լեզուների իմացությունը, որոնք հնարավորություն են տալիս ընկալել բավականին տարաբնույթ գրականագիտական նյութ:

Մեր առջև Է.Օլբիի պոետիկայի խոհուն, հստակ կազմված հայեցակարգային ներկայացումն է, դրա հիմնական հատկանիշների, ատենախոսի կողմից բացահայտած փուլերի և դրանց զարգացման դինամիկայի վերլուծությունը՝ ամենալայն և երբեմն անսպասելի համատեքստում:

Ջետագոտող համոզիչ ապացուցում է Է.Օլբիի կապը ոչ միայն Աբսուրդի թատրոնի, այլև նաև ավելի ուշ զարգացած և որոշակի առումով ավելի ողողուն պոստմոդեռնիստական գեղագիտության հետ՝ առանձնացնելով թատերագրի ստեղծագործության այն

հատկնիշներն ու հնարները, որոնք թույլ են տալիս նրա ստեղծագործական մեթոդը սահմանել՝ **սինթետիկ**: Հատկանշական է, որ աշխատանքում ներկայացվում է ոչ միայն Է.Օլբրիի թատերգության նմանությունը Աբսուրդի թատրոնի ֆրանսիական ավանդույթին, այլ նաև տարբերությունը դրանից:

Աբսուրդիստների հետ Է.Օլբրիի պոետիկայի նմանության մասին նախկինում խոսվել է, այդ թվում՝ Աբսուրդի թատրոնի այնպիսի առաջատար տեսաբանների կողմից, ինչպիսին Մ. Էսլինը և այլոք են: Հետաքրքրության արժանի հետազոտություններ կան նաև թատերագրի ստեղծագործության մեջ պոստմոդեռնիստական տարրերի առկայության, հեղինակի ստեղծագործության վրա պոստմոդեռնիզմի աճող ազդեցության, ինչպես նաև նրա ստեղծագործական մեթոդի մեջ պոստմոդեռնիստական գեղագիտության ներդրման մասին: Սակայն Թ.Անտոնյանի աշխատանքի կարևորությունը ոչ միայն արսուրդիստական կամ պոստմոդեռնիստական գեղագիտությանը Օլբրիի թատրոնը դասել թույլ տվող այս կամ այն առանձնահատկությունների վերհանումն է, այլ այն, որ ատենախոսը հետևում է Օլբրիի ստեղծագործության զարգացման տրամաբանությանը և այդ տրամաբանության ներքո նրա պոետիկայի տրանսֆորմացիաներին:

Իհարկե աշխատանքը զուրկ չէ նաև որոշ թերություններից:

Չնայած ուսումնասիրության բավարար մանրակրկիտությանը, մենք ցանկանում ենք որոշ դիտողություններ անել ատենախոսին.

1. Աշխատանքը զարմանալիորեն լռում է Վ.Սարոյանի՝ 20-րդ դարի ամերիկյան թատրոնի ձևավորման և զարգացման հարցում ունեցած ավանդի մասին, չի նշվում նաև այն փաստի մասին, որ Սարոյանը «կանխագործում է Աբսուրդի թատրոնը՝ նկարագրելով ժամանակակից աշխարհի խճճվածությունը և պարադոքսները»¹ և այն, որ «50-60թթ. եվրոպացի թատերագիրները սկսեցին օգտագործել՝ իրենցից երկու տասնամյակ առաջ Սարոյանի օգտագործած հնարներին նման սյուրռեալիստական, Էկզիստենցիալիստական և արսուրդիստական հնարներ»², և այլն:

¹David Calonne. William Saroyan. My Real Work Is Being. The University of North Carolina Press, 1983, p. 84.

²Dickran Kouymjian. Introduction to William Saroyan, An Armenian Trilogy, p. 3. См. также оценки других американских исследователей, таких как Michael Benedikt, Theatre Experiment: An Anthology of American Plays. New York, Doubleday, 1967, p. 29, Нона Балакян и др.

2. Անվիճելի չէ նաև աշխատանքի մեթոդաբանական հիմքը ի դեմս Ի.Իլիևի, որը ներկայացնում և վերաշարադրում է ստրուկտուրալիստական, պոստստրուկտուրալիստական և պոստմոդեռնիստական տեսության հիմնական գաղափարները, որի փոխարեն կարելի էր օգտագործել հենց տեսաբանների առավել հայտնի աշխատանքները (թեև աշխատանքում օգտագործվում են Բարտի և Դերիդայի որոշ դրույթներ):

3. Տարօրինակ է նաև Մատթևոս Ավետարանչի ներառումը գեղարվեստական գրականության հեղինակների ցանկում:

Այնուամենայնիվ, ընդհանուր առմամբ ներկայացված աշխատանքը տպավորում է իր մտածվածությամբ և վերլուծական մոտեցմամբ, լիովին համապատասխանում է ներկայացված պահանջներին և կարող է լինել երաշխավորված հանրային պաշտպանության համար:

Կարծիքը քննարկվել և հաստատվել է Հայ-Ռուսական (Սլավոնական) համալսարանի համաշխարհային գրականության և մշակույթի ամբիոնի նիստում, գրառում N 3, հուլիսի 12-ին 2023թ.

Ատենախոսության քննարկմանը մասնակցել են բ.գ.թ., դոցենտ Լ.Ս. Մելիքսեթյանը, բ.գ.թ., դոցենտ Ս.Ս. Մարգարյանը, բ.գ.թ., դոցենտ Ն.Կ. Գոնչար-Խանջյանը, բ.գ.թ. Ա.Ա. Թադևոսյանը, բ.գ.թ. Ռ.Ռ. Նադիրյանը:

Հայ-Ռուսական (Սլավոնական) համալսարանի
համաշխարհային գրականության և մշակույթի
ամբիոնի վարիչ, բ.գ.թ., դոցենտ Մելիքսեթյան Լ.Ս.

Հաստատում եմ՝
ՀՌՀ գիտքարտուղար
բ.գ.թ. Կասաբաբովա Ռ.Ս.
12.07.2023

